

SCRIPT OF EVENING GOJRI NEWS BULLETIN 10DEC 2025  
1700HRS

ایوننگ گوجری نیوز بولیٹن 10 دسمبر 2025

\*\*\*\*\*

یوہ آکاشوانی جموں بے نصرت چودھری تے محمد اشفاق تیں خبر سٹو۔

\*\*\*\*\*

HEADLINES

۱۔ لیفٹینٹ گورنر منوج سنہا نے طلباء نانہ سائنس تے تکنیک گا میدان مانہ ہوشیار بنان ور سکولان گا کردار ور زور دتو۔

۲۔ وزیر اعلیٰ عمر عبداللہ نے جموں کشمیر ہاوسنگ بورڈ گا کم کاجی معاملات بروقت عمل آوری تے شہریاں گی شکایات بارے مرکز گو جائیزو لیو۔

۳۔ نانیب وزیر اعلیٰ سریندر چودھری نے نوشہرہ مانہ بکھ بکھ ترقیاتی پروجیکٹان غو نی پتھر رکھیو۔

۴۔ بھارت غا بڑا تہوار دیوالی نانہ یونیسکو غی مائندہ فہرست برائے انسانی ثقافت مانہ شامل کرلیو گیو بے۔

۵۔ شمالی ریلوے جموں ڈویژن نے ہوائی پروازاں غی منسوخی گے پیش نظر دلی، ادھمپور بشکار ایک خاص وندے بھارت ریل نانہ چلا گو اعلان کیو بے جہڑی 3 دنان توڑی دلی، ادھمپور بشکار چلائی جے غی۔

\*\*\*\*\*

LG EDUCATION

لیفٹینٹ گورنر منوج سنہا نے کہیو کہ اج غی دنیا تیز رفتار تبدیلیاں تیں گزر رنی بے تے جدید ٹیکنالوجی ہر شعبہ نانہ بدل رہی بے اس واسطے سکولان نانہ وی نوا آلات تے طریقہ اپنانا چاہیں تانجے طلبہ ماہہ تخلیقی صلاحیت جاتن غی خواہش تنقیدی سوچ تے مسئلہ حل کرن غی قابلیت بدھے انہاں نے کہیو کہ تعلیم غو اصل مقصد ایسا بااعتماد تے مضبوط نوجوان تیار کرنا ہیں جہڑا مستقبل غی پریشانیا غو مقابلو کرسکیں۔ ایل جی موصوف ایک معروف تعلیمی اداری غی تقریب تیں خطاب کر رہیا تھا انہاں نے سکول غا تعلیمی ماحول تے ذمے دار شہریاں نانہ تیار کرن غا کردار غی تعریف کی اس موقع ور گل کرتا واں ایل جی موصوف نے اس طرح کہیو۔

\*\*\*\*\*

## CM HOUSING

وزیر اعلیٰ عمر عبداللہ نے آج جموں کشمیر ہاؤسنگ بورڈ غی میٹنگ غی صدارت کی تے بورڈ گا کم کاج غو جائیزو لیو اُنہاں نے افسراں ناہہ ہدایت دتی کہ تمام فیصلاں ور مقررہ وقت مانہہ عمل وے تے مالیاتی نظم و ضبط غو خاص خیال رکھیو جے وزیر اعلیٰ نے محکماں غے ہشکار بہتر تال میل غی ضرورت ور زور دتو تانجے جاری پروجیکٹ تیزی سگ مکمل ہوسکیں عوام دوست تے شفاف نظام غی حکومت ور زور دیتا واں اُنہاں نے کہیو کہ بورڈ ناہہ چاہیے کہ موثر تے صاف ستھری خدمات فراہم کریں افسراں نے یقین دوايو کہ ان ہدایات ور پوری طرح عمل کریں۔

\*\*\*\*\*

## CM DEAF CRICKET

وزیر اعلیٰ عمر عبداللہ نے جموں کشمیر ڈیف کرکٹ ٹیم غی 9 ویں بین العوامی ٹی 20 کرکٹ مقابلہ مانہہ اُن غی شاندار کارکردگی ور مبارک باد پیش کی ہے۔ اس سلسلہ مانہہ ٹیم نے اس مقابلہ مانہہ دوجو مقام حاصل کرغے یوٹی جموں کشمیر گو سر فخر نال بلند کیو ہے اس بارے بولتا واں جناب عمر نے ان کھلاڑیاں گی لگن تے کوچنگ سٹاف یعنی تربیت کاراں غی شاندار کارکردگی ناہہ سہرايو ہے تے اُنہاں نے کہی و جے اس کامیابی نال یوٹی پھر مانہہ کھڈاریاں گا حوصلہ بلند ویں گا تے ڈیف کرکٹ ٹیم غی اس کامیابی ناہہ ایک سنگ میل غی طرح دیکھیو جارہیو ہے۔

\*\*\*\*\*

## Dy CM NOWSHERA

نائیب وزیر اعلیٰ سریندر چودھری نے آج نوشہرہ ماہہ کنی اہم ترقیاتی پروجیکٹاں گو افتتاح کیو تے نوا کم غی بیادع رکھی ان منصوباں مانہہ بہتر سڑک تے جدید سہولتاں آلو بجلی کھر وی شامل ہے نائب وزیر اعلیٰ نے کہیو کہ یوہ کم علاقہ غی ترقی تے عوامی سہولت ناہہ مضبوط بنان واسطے ایک اہم قدم ہے اُنہاں نے دسیو کہ جلد ہی بور وی بڑا ترقیاتی منصوبہ شروع کیا جیں گا۔ تانجے عوام غی پُرانی مگ پوری ہوسکیں ذرائع ابلاغ سنگ خطاب کرتا واں نائیب وزیر اعلیٰ نے اس طرح کہیو۔

\*\*\*\*\*

## DIWALI UNESCO

بھارت گا برا تہوار دیوالی ناہہ یونیسکو گی نمائندہ فہرست برائے انسانی ثقافتی ورثہ مانہہ شامل کیو گیو ہے یاد رہ جے یوہ تہوار اہم ثقافتی تے روحانی تہواراں بچوں ایک ہے یوہ اعلان آج نویں دلی گا لعل قلعہ تیں جاری ایک ثقافتی ورثہ بارے ایک بین العوامی کمیٹی گا اجلاس غے دوران کیو گیو اس بارے بولتا واں ثقافت تے سیاحت گا وزیر گجیدر سنگ سخاوت نے اس طرح کہیو۔ تے نال ہی جموں کشمیر

سمیت ملک بھر مانہہ اس بارے جشن منایو جارہیو ہے جت ضلع ادھمپور گا مقامی لوکاں نے آکاشوانی سنگ گل کرتا واں اس طرح کہیو۔

\*\*\*\*\*

## RAILWAYS SPL TRAIN

شمالی ریلوے جموں ڈویزن 12 تیں 14 دسمبر توڑی نویں دلی تے ادھمپور بشکار ایک خصوصی وندے بھارت ریل گڈی چلاوے گو تاجے ہوائی پروازاں غی بار بار منسوخی غی وجہ سنگ پھسیا وا مسافراں غی مدد کی جاسکے یاد رے جے دلی تیں سویرے 6 بجے چل غے 2 بجے ادھمپور پُجن آلی اس ریل گڈی گو نمبر 02439 ہے تے یاہ ریل گڈی امبالہ، لدیانہ، پٹھانکوٹ تیں ہوتا وا جموں توئی پُجے غی یوہ وی واضع رہ جے واپسی ور یاہ گڈی دگا 3 بجے ادھمپور تیں چل غے رات 11 بجے دلی پُجے گی اس غو نمبر 02440 وے گو مسافراں نانہہ اپیل ہے جے وے سفر تیں پہلاں ریلوے انتظامیہ غی ہدایات ور عمل کریں۔

\*\*\*\*\*

## JMU DIVISION SHED

مرکزی وزیر ڈاکٹر جتندر سنگھ نے اج دسیو جے جموں ڈویزن شمالی ریلوے نے جموں، کٹھوعہ سیکش ور ایک چھن اروریا اسٹیشن ور ایک سامان شیڈ غو افتتاح سنگ مال برادری کارکردگی گا بابدہ خاطر ایک بڑو قدم چایو ہے یاد رہ جے یاہ سہولت بغیر کسے رُکاوٹ غے سامان لان چاڑن واسطے بنائی گئی ہے تے یاہ سہولت سویرے 6 بجے توں رات 10 بجے تک قریب 16 گھنٹاں تاجراں نانہہ آسانی فراہم کرے غی قابل ذکر ہے جے اس پہل سنگ اندرونی دو مال برادری معاملات مانہہ آسانی وے غی جس نال مال برادری غی صلاحیت مانہہ بابدو وے غو۔

\*\*\*\*\*

## JK SPORTS

جموں کشمیر غا 87 کھیڈاری اس سال مختلف کھیلو انڈیا مقابلان مانہہ حصو لے رہیا ہیں جن مانہہ کھیلو انڈیا ونٹر گیمز 2025 وی شامل ہے وزارت کھیڈ غے مطابق جموں کشمیر غا کھیڈاری کھیلو انڈیا یوتھ گیمز 2023-2025 تے کھیلو انڈیا یونیورسٹی گیمز 2023 تے دوجی کئی تقریب مانہہ شریک ہوا۔ افسراں نے دسیو کہ قومی مقابلہ سپورٹس فیڈریشن کراوے تے مرکز کھیلو انڈیا پروگراماں غے ذریعے اپنو تعاون کرے۔

\*\*\*\*\*

## GOJRI MUSHAIRA

اج ضلع راجوری غی تحصیل تھنہ منڈی گا پٹھیاں مانہہ سائیں ولی داد غی زیارت ور  
ایک گوجری مشاعری گو انعقاد کیو گیو جس مانہہ سرحدی علاقوں تیں آیا وا شعر  
حضرات نے شرکت کی اس محفل کی صدارت حافظ محمد اسحاق نے کی جد کہ  
معروف ادیب تے سابق براڈ کاسٹر منشی خان چوہدری، لعل حسین پرواز سمیت دیگر  
شعر وی ات موجود تھا قابل ذکر بے جے اس دوران مقررین نے خطاب کرتا واں  
گوجری زبان نانہہ بھارتی آئین گا 8 واں شیڈیول مانہہ شامل کرن غو مطالبو کیو۔

\*\*\*\*\*

## DODA ATM

ضلع ترقیاتی کمشر ڈوڈہ برویندر سنگھ نے اج گھاٹ علاقہ مانہہ ایک نواں اے ٹی ایم  
گو افتتاح کیو جس سنگ مقامی لوکاں غی دیرینہ مانگ پوری کی گئی جموں کشمیر  
بینک غی طرفوں لایا گیا اس اے ٹی ایم سنگ وقت کی بچت بینک خدمات توڑی رسائی  
تے عوام غی آسانی مانہہ بابدو وے غو اس بارے ڈی سی ڈوڈہ نے کہیو جے اس  
سہولت سنگ مقامی کاروبار ناہہ وی مدد لبے غی تے اس دوران انہاں نے مشن  
یووا غے تحت نوجواناں ور مرکوز اقدامات نانہہ فروغ دین خاطر چیک وی تقسیم کیا  
نواں لایا گیا اس اے ٹی ایم ور مقامی لوکاں نے خوشی غو اظہار کیو تے آکاشوائی  
سنگ گل کرتا واں انہاں نے اس طرح کہیو۔

\*\*\*\*\*